

吉石齋叢書二集

廬山記序

余昔者讀書山中愛其泉石塔廟之

志之不詳遺古略近或出於愚夫野老之語言
辭贅可取者無幾將討論刪次之未皇暇也後二
十年讎書秘閣得廬山記欣然以喜以為夙願獲
遂而考而所載其疏略尤甚熙寧五年嘉禾陳令
舉舜俞謫官山前酷嗜遊覽以六十日之力盡南
北高深之勝書行山間援毫折簡旁鈔四詰小大
弗擇夜則發書攷之至可傳而後已其高下廣狹

山石水泉與夫浮屠老子之宮廟遊人達士之居
舍廢興衰盛碑刻詩什莫不畢載而又作俯
視之圖紀尋山先後之次泓泉塊石無使遺者成
書凡五卷後三年余守吳興令舉扁舟相過以余
山前之人也出藁見校請鏤諸板藏之山間會余
蒙恩移濟南遠與之別令舉尋復物故余益以
事役牛料走四方思一旋歸茫不可得輒序其樂
述之勤貽好事君子庶幾成令舉之志

充秘閣校理李常序

予雅愛廬山之勝弃官歸南遂得

之陽游覽既久遇景亦多或賦或錄雜

將欲次之而未暇也既寧中會東令舉以言事

於是邦山林之既同相與來黃犢往來山間歲月之幾焉者遂得窮探極觀無所不究令

舉乃採子所錄及古今之所紀者舊之所傳與夫

耳目之所經見類而次之以為記其詳蓋足以傳後

予材不可以應時宜退老於林壑今舉以制策擢

上第名聲赫赫為世任不二十歲乃廢於筮庫

而與予共見於此記甚可惜也然推古以較今豈

特一令舉為可惜哉江西劉漢序

廬山記卷第一

尚書屯田員外郎嘉禾陳舜俞令舉撰

摠叙山水篇第一

案太史公曰余南發登廬山觀禹九江前漢郊祀志云軋封中武帝淳江自尋陽出樅楊過彭蠡禮其名山大川桑欽水經云廬江出三天子都北過彭蠡縣釋惠遠廬山路記曰山在江州尋陽南南濱宮亭北對九江九江之南江為小江山去小江三十餘里左挾彭蠡右傍通川列三江之流而

據其會山海經云廬江出三天子都一日天子障
故舊語以所濱為敷畝雖有匡俗先生者出自於
周之際遯世隱時潛居其下或云俗受道仙人共遊
此山遂託空崖身巖成館故時人謂其所止為神
仙之廬因以名山焉其山大嶺凡有七重圓基周
回垂五百里風雲之所據江湖之所帶高崖反宇
峭壁萬尋幽岫窮巖人歎兩絕天將雨則有白
氣先搏而瓔珞於山嶺下及至觸石吐雲則倏忽而
集或大風振崖迥響動谷群籟覽奏乎五一

人此其變化不可測者矣衆嶺中第三嶺極高峻人跡之所罕徑也昔太史公東游登其峰而遊觀南眺三湖北望九江東西肆目若涉天庭焉其嶺下半里許有重巖上有懸崖倚有石室即古仙之所居也其後有巖漢董奉在於巖下常為人治病法多奇神絕於俗醫病愈者令栽杏五株數年之中蔚然成林計奉在民間二百年容狀常如二十時俄而昇舉遂化迹於杏林其北嶺西崖常有懸流瀑

雲激勢相趁百餘仞中雲氣映天望之若山
在霄露為其南嶺臨宮亭湖下有神廟即以宮
亭為號安侯世高所感化事在敘山北篇七類同會
於東共成峰竒其崖窮絕莫有昇之者有野夫見
人著沙門服凌虛直上既至則回身踞鞍良久乃興
雲氣俱滅此似得道者當時能文之士咸為之異又
所止多竒觸象有異其背重阜前帶雙流所背之
山左有龍形而右塔基焉下有甘露出吟暖與寒暑相變盈減
徑水旱而不異尋其源似出於龍首也南對高岑

北望滄江盤石可坐數人鳴泉過其下此山於僧
庵之最佳者雲慶寶積皆在寶巖之南由雲
慶還寶巖亦三里寶巖之東十五里有下龍
泉院於一觀北列有龍泉庵此以下別之由龍泉
十里至鼻豚庵由鼻豚庵八里至白糜臺由白
糜臺十五里至仁壽院由仁壽十里至香積院由
香積三十里至長嶺院長嶺者彭蠡湖之別嶼也
凡下龍泉至香積非在山間然山人野客窮覽幽
遠皆嘗至焉水聲野色有足佳者香積之西二

十里有山南開先寺之場圃曰大富莊過大富則
遊山之南矣寶巖之西一里至龍池庵舊名冒峯
由冒峯五里至庵出莊由庵出莊一里至禪智
院舊名淨居其後有綠野亭由禪智五里至
大中祥符觀舊曰董里真人本一宮祥符中賜今名葛洪神仙傳名奉守君異閩中候
官人少有道術交趾太守士燮死已三日奉以一丸藥
與服以水含之捧其頸搖指之食頓開目動于願
色漸復半日能起坐四日能語遂復常然後居
廬山治人之疾不取貲幣使愈者人植杏五株

上有奇木獨絕於林表數十丈其下似一層佛浮
圖白鶴之所翔玄雲之所入也東南有香爐山孤峯
秀起遊氣籠其上則氣若香煙白雲映其外則
曷然與衆山殊別天將雨其下水氣涌起如車馬
蓋此身龍井之所止其左有翠林青雀白猿之
所憩玄鳥蓋巢之所蟄西有石門其前似雙闕
壁立千餘仞而瀑布流焉其中鳥獸草木之美
靈藥方物之奇焉可得朕若哉略舉其異耳劉
昭注續漢志鄠道元注水經並用惠遠語又釋章

舊志云俗字君平夏禹之苗裔也或曰字君孝父
東野王與吳芮佐漢定天下而亡漢封俗於鄴陽曰
越廬君俗兄弟七人皆好道術遂寓精於洞庭之
山故謂之廬山張僧鑒言平陽記云山南有三宮所
謂天子都也廬宮溪火出焉上宮人所不至有三
石梁長十餘丈閣繞盪赤其下無底其中宮在
別巖志是文石兩邊有小圓峯奇特號爲右障
峯石形若羊馬來道相對下宮數尋臨湖際宮
亭廟舊所也山高二千三百六十九丈周四百五十里其

山九疊川亦九江郡國志曰廬山疊障九層崇
高萬仞懷靈抱異包諸仙跡尋陽記又云秦始皇
七十年東登廬山以望九江至上霄峯以與霄漢
相接因命之峯後有刻石云是夏禹所刻丈赤
里數文字不可辨伏滔遊山序曰廬山者江陽之
名嶽其大形也背岷流面歿蟲蟠根所據亘數百
里重嶺殊嶂仰挿雲日俯瞰川湖之流正与王彪
之山賦賦叙曰廬山歿澤之山也雖非五嶽之數穹
隆嵯峨竇峻極之名山也孫放山賦曰尋陽南

有廬山九江之鎮也臨數尋之澤接平敞之原
張野記曰天將雨則有白雲或冠峯巖或巨平
頽俗謂之山帶不出三日必雨每雨其下成潦而上
猶皎日峯頭有大盤石可坐百人以上皆述此山也
宋支曇詵賦云昔哉壯麗峻極氤氳包靈壽
以藏器蘊絕峯半青雲景澄則巖岫開鏡風
生則芳林流芬嶺竒故神明鱗萃略絕故人跡
自自分巖清外山於去崖世高垂化於却亭應
真峻雲以踞峯眇忽擊景而入直咸豫聞其

清澄妙無得之稱名也若其南面魏嶺北背芳
蒂懸雷分流以飛湍七嶺重嶮而壘勢映以竹
栢蔚以檉松繁以三湖帶以九江嗟四物之芳
木林爽獨秀於玄冬美二流之潺湲津百川之
所衝峭門百尋峻闕千仞香鑪土而雲以象煙
甘泉涌雷所以有觀川岳地后土所以推寧廬山者
而先潤梁元帝序曰夫日月麗天皇宮亦南國
之德鎮雖林石異勢而雲霞共色長風夜作則
萬流俱殫音晨懸曉吟則百嶺齊應東瞻洪
井識曳帛之在茲西望石梁見指寶之可拾誠

復慕類易悲山中難久攀蘿結桂多見淹流
今賦詠不可備載實天下之名山江州在
其餘古山北二十里本在大江之北尋水之陽因名尋
陽今蘄州之蘄城身其故址北威和九年刺史溫嶠始
自江北移於淪城之南義熙元年刺史郭昶移居
江夏八年孟懷玉還治尋陽太清二年蕭大心因
侯景之辭欲依險固乃移於淪口城仍号懷玉舊
城為故州張僧監尋陽記云淪口城灌嬰所築
漢建平中孫權經北城令鑿並井適中古梵得石
函銘曰漢六年賴陰侯開卜云三百年當塞後不

百年當爲應運者所開權欣然以爲已瑞井極深
滄江有風浪井火輒動邦人因号浪井故李白下
尋陽城泛鵲尋蠡詩云浪動灌嬰井尋陽江上風
今井在衙城內之西圍城上有北樓下臨滄江憑高
眺遠爲一郡之勝陳散騎常侍張正見滄城詩云
匡山腹遠壑灌壘屬中流城花飛眩水江月上明
樓案晉書庾亮傳云亮在武昌諸佐吏勢浩之
徒乘秋夜共登南樓俄不覺亮至人將避之亮
曰諸君少住者老子於此處興復不淺便據胡

庾與浩等談詠竟坐則事在武昌之南樓也後
人以亮嘗爲江州刺史因名此曰庾樓實非當時
秋夜所登之遺址也是郡前世或号九江或号尋
陽唐襄陽氏李氏伐有其也外爲奉化軍節度
皇朝開寶四年平江南降爲軍州事太平興國
三年外星子鎮爲縣仍隸焉七年割星子與建昌
都昌三縣置南康軍於是山南屬南康山北屬
江州矣

叙山北第二

由江州之南出德化門五里至進壽院舊名羅漢壇
過進壽院五里至石塘橋有廉溪周郎中之隱居
周名博博頤字茂叔人仕官有志學早慕高名樂廬山之勝道州因家尋陽之別墅于附郭
自名曰廉溪過瀘溪東入寶巖禪院十里北至
太一觀亦十里寶巖舊曰雙溪景德三年賜今
名院當官道吳乾貞二年僧常真始基焉常
真荆南人姓田氏人謂之田道者勤身耕斲以待
四方遊者二林僧脩睦号楚湘東韓西二林監寺
譚論大德官命廢者庵舍睦謂之曰今撤子所

宇則何歸乎田曰本是林下人却歸林下去陸異
其言因則彭待贈之詩曰入門空寂寂真箇出
家兒有行鬼不識無心人謂瘦古巖寒栢對流
水落花隨欲別一何懶相逢所恨遲由是歷南唐
爲山中之表宇顯德六年元宗賜田使給諸庵岳
無田者歲取其糧者二十六庵岳南抵吳章嶺五
里由嶺下北行一里道西有雲慶庵舊名雲鏡
因流泉爲池多畜魴鯉歲已久游泳甚狃由雲
慶西一里至寶積庵松竹蒙密白雲亭在其上

數年樹蔚茂成林奉乃作倉廩宣言人買杏者
不須來報但一器杏償一器稻人有欺者猛獸輒
逐之所積稍復以施人後上昇号碧虛上監是
觀即杏林之故地也唐昇元六年徐知證作真
人廟記及有保大十二年記今存焉氣象蕭
然過者勤而不教藪沼泉游魚尤為蕃狎或曰
真人杏林在山張景詩云桃花謾說武陵源誤
殺劉郎不得仙爭似蓮花峯下客栽成紅杏上
青天今蓮花峯在觀後觀之北五里有龍泉庵

初遠法師至于廬山愛此間曠欲結庵焉地
無流泉師以杖刺地應時泉涌浸為溪流既而
尋陽歲旱遠師誦龍王經于池上俄有龍起而上
天西乃大足故号龍泉龍泉之南十里有妙智
院舊名行春亭由妙智五里至地岡高僧傳云
安世高安息國王之太子謹因于季父而出家漢
魏間行達邾亭湖時湖神能分風上下舟人敬憚
因與同旅三十餘舡奉牲請福神忽降祝曰吾昔
外國與子俱出家學道而性多嗔真恚故墮神

報今見同學悲欣不可勝言世高請神出形神乃
出大蟒頭不知尾之長知世高向之胡語贊頌數
番蟒悲淚如雨頃更還隱廟有絹千疋并雜
寶物世高為持去豫章造東寺焉後人於山西
澤中見一死蟒頭尾數里今尋陽郡蛇村是也故
名其高曰蛇岡蛇岡之下五里至太平觀太一觀之
西南二里又有國泰庵其西上有蓮花峯十里峯
頂有蓮花庵由國泰五里至報恩庵由報恩
一里至雲際庵由雲際二里至永清庵亦名下

蓮花庵永清之澗北有牛道人隱居由永清之
西一里至雲溪庵亦名蓮花洞自太一觀至雲
溪亦凡佛老之居八向在蓮花峯下由雲溪二里
亦至太平觀唐号九天使者真君廟南唐昇元
元年賜名通玄府本朝興國二年賜今名銀果
記云唐開元十九年八月二十一日玄宗夢神仙
羽衛千乘萬騎集于空中有一人朱衣金冠
乘車而下謁帝曰我九天採訪巡綽人間欲於廬
山西北置下宮木石基址素具但須上力耳帝即

遣中使詣山西北有基址宛然信宿巨木數千
段自然而至堂殿廊宇隨類致木皆得足用或
云此木九江王所採擬作宮殿沉於滄浦至是浮
出楮瑩丹黃鑿廟北地得之殊飾備足既而達
昌渡有靈官五百餘人若衣道士服者皆言
詣使者廟因圖像于壁或曰明皇始以夢告左
右方右不信俄有神降于虛綠雲乘足儀仗
符籙甚偉明白皇命具道子走筆寫之其所立
像臣依依焉始置廟記李泚撰泚自稱蘄州黃

梅縣東山衡門之下草茅臣聞元二十年歲
次壬申正月乙巳朔二十五日己巳立其略曰勅置廟
使內供奉侍使者真國建之祠廟章醮行道設
使大公道觀法師平公使持節醮軍事守江州刺史獨孤禎朝散大夫行長史
楊楚王行司馬皇父楚玉尋陽縣令魏昌同謹
修奉焉又有使者祥驗記開元二十年壬申二月
八日辛亥宣義郎行欽潭縣尉潘觀撰述祥
驗之事五略曰江水泛溢吹拔近山計木繞壑水
復舊一也野竹散材則連岡距谷丹粉雜色則穴

出崖出生二也謝土之夜風雲空濤仙燈遠照三
也渡整蠱湖謁廟者數百人舟人所得湖頭日
皆紙錢也騎從龍虎刻削馭人或土或木入廟
成列忽有汗出其面者五也其碑歲久訛鉞治
平三年重立復有張靈官懷武茶之禪將嘗有陰功及物并命為靈記靈官名官廟壁
之像五百人張其一人焉事詳本記矣自歲開
寶六年上元日御史丈夫徐鉉撰右內史舍人集
賢學士徐鍇鍇書辭多不載觀門之極左有劉
越石至道中郡守考功員外郎孫邁始立碑置

祠焉昔匠俗廬于山有少年屢詣之自通曰
姓劉名越家在前山之左邀俗過之旦日至山下有
石高二尺許即予居可叩之俗後如約而往至山
下四顧無居室果惟一石乃叩之石為之開因
遇神仙洞府之事慧遠記云俗受道於仙人者
蓋謂此也觀亭有仙游亭下視樓觀儼若臺
洞府遊者皆登焉太平觀之西南五里有清泰
庵由清泰一里至廣澤院舊名龍潭潭三龍潭在
院之東南之山上五里若歲旱郡縣必禱焉由廣

澤下山至太平興國寺七里寺前之水曰清溪溪上
上有清溪亭寺晉武帝太元九年置舊名東林
唐會昌三年廢大中三年復皇朝興國二年賜
今名法師諱慧遠俗姓賈鴈門樓煩人師道
安於恒山為安高弟始住荊州上明寺後欲之羅
浮道由廬山居龍泉精舍去東林十五里而遠
既而學侶復衆同時永禪師惠已居香谷山請結
鄰好刺史桓伊亦所欽仰乃置寺皆事具寺
碑開元十九年七月十五日前陳州刺史李崑撰

并書會昌三年僧雲臯始刻石焉時裴休爲江
南西道觀察使張又新爲江州刺史竇助成之裴
題其篇末云覽北海詞翰想見風采張亦作記
于碑陰大中十年四月十三日沙門玄觀請河東
裴光遠篆額光遠國子監太學博士初遠師
之欲徙香谷也山神告夢之曰此處幽靜足以棲神
忽於後夜雷雨震擊明日視之惟素沙匝地蓋
有椶栴文梓良木旣作殿故名神蓮牛僧孺大
和四年自武昌還朝過之爲書其榜神蓮二面

又有木數尺南唐元宗題曰神蓮水今並存焉
會昌中寺與林木並係戶部毀盡貞大中興復刺史
崔黯為捐私錢以倡施者搢紳從者數百人
姓名爵里今刊于名竹藏當時之疏亦崔之詞
也崔又作復寺碑左散騎常侍柳公權書流泉
臣寺下入虎溪昔遠師送客過此虎輒號鳴故
名焉時陶元亮居栗里山南陸偕靜亦有道
之士遠師嘗送此二人與語道合不覺過之日相
與大笑今世傳二笑圖蓋起於此神蓮殿之後有

白蓮池〇〇〇昔謝靈運持才傲物抄殺經因斃金池

池為臺植白蓮池補註重見遠公南嶽傳乃即此湖也中名其臺曰翻經臺今白蓮

亭即其故地遠公與蓮乘慧忍私註忍持量順白雲

恒世道生慧忍教道影道易量說白衣張野宗

炳〇劉遺民張詮〇周續之〇雷次宗〇梵僧佛馱耶

舍〇十八人者同修淨土之法〇因号白蓮社〇十八賢有傳附

篇末池上昔有文殊瑞像〇今像亡〇闍廢有文

殊殿瑞像者晉陶侃初為廣州刺史海濱漁人

見夜有光艷遂網之得金文殊菩薩之像〇

下誌云昔阿育王所鑄後商人於東海亦獲圓光
持以就像若彌縫焉侃以送武昌美溪寺主者僧
珍常住復口夢寺久而像屋獨有神物圍繞珍
馳還寺果已焚惟像屋並存侃移督江州以像神
靈使人迎以自隨復為風濤所溺時荆楚為之謫
曰陶惟劍雄像以神標雲翔泥宿邈何遙遙可
以誠致難以力招至遠公翻寺乃禱於水上其像
復出始逆置神運殿後造重閣以奉香火故李
邕寺記云昔王贖罪文殊降形蹈海不沉驅於陶

假迫火不勢蔓於僧跡玆蓋謂此也至會昌毀寺二
僧負像歲之錦繡谷之峯頂其後寺復訪之歲
覲不獲二僧相疑或匿之俄見圓光瑞色現於
空裏故至今遊人至峯頂佛手巖天池有見光
相者寺有晉輦備虬龍之飾晉書帝輦故
貫休詩云亘玄舊輦殘雲濕耶舍孤墳落
遲今人題詠謂安帝輦按晉大享二年亘玄
篡位廢帝為平固王遷于尋陽及義師之起玄
奔尋陽旌旗輿服猶備帝者之義於是迫平

西上奔竄之際因留輦東林舊稱巨輦蓋
有由也巨安音相近後人不察而改之耳經藏院
在寺東廡經之跋尾有日貞元十三年寓者經藏
碑元和七年歲次壬辰九月丙辰朔十五日庚午朝
請郎試太常寺協律郎李肇撰略曰元和四年雲
門僧靈徹流竄而歸棲泊此山將去言於江南西
道觀察使武陽公韋公丹韋之夫人蘭陵蕭氏
卒嘗有服珥之資買田荆州收其租入以奉
檀施至是取之蓋以已俸身洪州抄騰而致之

仍達堂殿又令浮屠寺僧義般以主秘藏會
昌之危僧道深竊藏之石室後寺復而經出
然亡失者過半僧正言稍補之大中十二年武
陽之子宙復世廉察因施錢錢再作堂宇仍誌
其事故有書于丹書宙寫真咸通八年刺史苗
紳有二書寫真贊紳宙之外孫也又有一人物
色題日記王寺僧曰其旁舊有具凡物色題
日然銜江州刺史德化王楊澈也文字剥落不
者因粉飾而漫滅之今寺有下平林口田皆其

施故寺僧寫真列于二章之間以示追奉案

唐史澈夫嘗封紀王天祐十五年徐知訓在揚州

為朱瑾所殺保大年如大十追封紀王則其事迹無接

於二林者蓋後人妄加之耳白公草堂在寺之東北

隅元和十年公自太子贊公善大夫以言事忤執政

出為州司馬明年作草堂於香鑪峯北遺愛

寺南姓來遊剏焉公自作記見于本集後輿遺

愛寺並廢久之好事者慕公風跡以東林寺北蓋

墻之外作堂焉五代衰亂復為兵火野燒燒之所

毀至道中郡守孫考功追遠之然皆非元和故基
也昔公之遊東林也觀經藏中有遠公諸文士倡
和集時諸長亦請公文集同藏之至大和九年為
太子賓客始以文集六十卷歸之會昌中致仕復
送後集十卷及香山居士之像廣明中與遠公匡
山集並為淮南高駢所取吳大和六年德化王殿
常抄騰以補其闕後復亡失今所藏實貞景德
四年詔史館書校而賜者匡山集亦二十卷景福二
年重寫明道中為部使者刑部許申所借今

心寺僧抄神所無分聖人今
廬山略記并遊石門詩序刊石于寺皆因集中

本云過草堂半山有二泉出石間名曰雙玉澗次
有上方舍利塔佛馱馱陀羅禪師之所立也梵語
馱陀羅漢言覺賢迦維羅衛國其露飯王之苗
裔也年十七鳩羅摩利度之與同學集業衆
皆如芥一月賢一日覽焉其師嘆曰賢一夫敵三十人入
長安與鳩摩羅什剖析玄旨什為之屈至廬山
與遠公同社先特釋迦舍利三粒自隨因葬山頂表
以浮圖後宋孝武帝召赴道場寺譯華嚴經者

開元十四年庫部郎中中書舍人江州判史李訥作
禪師記訥亦自稱兀兀禪師金紫光祿大夫同
州判史上柱國范陽開國男張廷珪書開元十七
年歲在己巳七月己丑朔十五^{如奉}癸卯遠其亭刻顏
魯公題名百六十字上方之北有虎跑泉昔遠公與
社賢每遊此峯頂患去水甚遠他日虎輒跑石
出泉次五松閣五松喬茂合抱瞰以危閣南唐
西山僧應之嘗結庵于五松之間保大中烏元宗
過作五松集行於世桑門備用之書也今子

不髣髴矣其露戒壇在寺之東南隅梁太清中
龔法師講金光明經于林間與露浹木者三日因
於林間作戒壇焉世傳江南有三戒壇此其一也常
為僧房之菜畦其僧夢有神黃金介冑扼其喉
責以穢壇墀事僧懼梵用磚石存其遺址此焉遠
公初謚辯覺昇元三年其墳曰凝寂之塔塔在二林
之間其旁二松一在高一稍在下圍二十
尺遠公以晉義熙十二年卒葬此山蓋當時所植云
乾明寺在凝寂塔之西百餘步舊名西林興可為

今額晉慧永禪師之道場也西林道場碑隋太
常博士渤海歐陽詢撰無書人姓名然筆勢清勁
世傳即歐書也大業十二年歲在丁丑十月戊寅朔
十五日壬辰之略曰先有曇現比丘俗姓竺氏本雋趙
良將以匡阜靈岳萃止鵝棲及遷神即化藉岳
早間有息慈慧永河內繁氏高足禪首異香入室
猛獸馴階紹隆主業安禪結宇晉光祿鄉尋陽

範締達伽藍命曰西林是歲晉太和之二年也梁

大三年僧恩律師隋僧智鎔法師大業二年慧

遠禪師七年道暉法師並加塔尊唐永泰元年顏
魯公與法真律師躋重閣觀張僧繇畫盧舍那佛
梁武帝威靈線繡鉢袋亦題于歐碑之首重閣大
業二年所達今三者皆亡永師義熙十年示化葬潤
南香谷之口興國三年亦謚覺寂大師名其塔曰安真
智之塔寺後高處有香谷亭首末公在西林別之
第室於嶺上每欲禪思即往居焉室中嘗有芬
馥之氣因名香谷後人作亭其上号香谷亭以存
其故事其下有水閣院興國中錫名隆教唐貞元

二年齊朗律師之道場也朗長慶二年十月十六
日示寂有碑唐人鄭素所撰大和六年歲次壬子
三月甲午朔六日己巳立保大八年南唐襲國考定
公徐景運重脩藏經亦公所施皆有跋尾藏之西廡
南唐人畫須菩提自稱樵人王翰是寺也水石之美
前有德人赤東林之亞也慶曆初當塗僧宗慧大
師道真建浮圖七級于隆教院據香谷之形勝寺
前過通隱橋一里至林口市首筑道生菴并寫蓋前
在之深林出谷承平歲之闢為屋廡以會商殊堵

在東林^林猶藏其手澤其西石磴凡三百級由上方而下過滴翠巖復三休而至聽明泉聽明泉乃荊州殷仲堪^堪之訪遠公也相與談易於松間仲堪辯博遠公因指泉曰君之辯如此泉涌後在因号聽明泉昔李衛公在廬賦云講精義於松間注云東林寺有松數株尚存今泉上有屋而無松蓋其故地云次有佛影臺遠公匡山集云佛影在西方那伽阿羅國南古仙人石室中以晉義熙十八年歲在壬子五月一日因蜀賓禪師南國

律學子道士共立此臺擬像本山因跡以奇誠雖成
由人匠而功無所加至於歲在星紀赤奮若貞子
太陰之墟九月三日乃詳驗別記銘之於石西江州
懷玉王別駕喬之張常侍野躬晉安隱毛黃門
脩之宗穩士炳孟散騎孟司馬之蕭躬主簿蔚范
孝廉悅之王參軍禮禮夜等咸賦銘讚遠公佛
影銘五首載高僧傳劉遺民亦讚曰雲圖表暉
暉影伴袖造功出理詣事非人運李邕記云影
西來舍利東化或塔踊於地或光屬於天影圖者

殿也舍利謂改院羅所藏者也此臺寺僧追遠
焉是寺也最為廬山之古刹自唐開元元和以來
迄于保大顯德間文士碑志遊人歌詠題名班班
有存者今著其目于後邇遠公大中六年謚_辯
覺法師裴休書其榜觀音殿東壁有存大中十
一年宛陵洪錡摹張僧繇畫維摩居士其餘壁
畫亦大中廣明咸通中所寫雖俗筆亦近世畫工
所不能及法華資真聖院牌僧齊己書又有明皇
銅像李通玄長者寫真皆前世故物本朝之改

寺名也徐鉉常侍親篆太平興國之寺六字今
皆藏焉昔傳寺有遠公袈裟空道生塵尾扇
梁武帝鉢囊襄遠公袈裟即顏公所禮僧伽衣
今已腐朽而有佛馱耶舍二尊者革寫謝靈運
翻經貝名葉五六片餘皆亡云天李邕碑云羅什
致其深窳巧窮雙口姚泓奉其厭像工極五年
事亦具高傳年代浸遠直無復存者禪月貫
休詩云廬摺伽畫苔漫畫躬仲堪碑兩滴空
貝休天祐間人距今一百五十餘年寺僧亦不知

城遂在宣闈之中康定初郡守田瑜俾寺僧改
葬于凝寂之左九江錄云通隱橋南有金師子
峯上有三蘭若基峯下有索谷塘今索谷塘
猶存餘皆亡通隱橋之西一里有匡君廟尋陽記
云昔漢武帝南巡祠名山問盧君何神也博士對
曰昔匡俗得道於此乃賜号大明公唐天寶元年詔
立祠正西林之東五里有黃土庵其旁又有看
經庵由看經一里至崇福庵由崇福五里至香
城庵香城旁有觀音庵次有東庵由東庵稍

下一里有廣濟庵又半里有聖僧岫由聖僧岫二
里至石盆庵西林東南五林里至下化成院由下化
成三里至護國庵由護國一里亦至石盆庵石盆
在山上非鑿鑿石所成盆中清泉雖旱不竭石
盆上半里至保興庵其亭半里有大師庵次上化成院
亦義熙中遠祖公所立也祥符中錫名普照寺本
朝陳尚書恕布衣時遊焉其子恭公秉政請錫
御書度僧令陳氏祠堂有保大中移寺寺三碣好
事者刻白樂天遊大林寺詩并前後序坎石于屋

壁凡遊人在二林望上化成樓閣隱隱在雲霧中

若圖書畫自東林徑去猶半日之久既至化城山路亦險

中間往往不可假肩輿矣直上十里道中過雞冠

石次四望石次瀉油石次香爐峯山南山北皆有其

致圓聳常出雲氣故名以象致李白詩日照香爐

生紫煙遙看瀑布掛長川即謂在山南者也孟浩然

詩云桂席數千里好山都未逢艤舟尋陽郭始見

香鑪峯即此峯也東林寺正在其下過香鑪峯

至峯頂院院傍盤石極平廣下視空闊無復障蔽

張野山記云峯頂有大石可坐數百人蓋謂此也峯下有藏經品即會昌所以藏東林之經也有南唐廣道者庵基峯頂之南十里有香積庵過香積下視五老峯望落星石在水中如覆盂直下山二十里則山南棲賢之澗東萬壽源也路極險人罕由之予熙寧四年九月與數道人飯于峯頂由香積路策杖而下其至

棲賢則日少矣峯頂院之前有辟地行者飲牛池遠公善驅蛇蛇為之盡去故号辟地行者常耕于峯頂有辟地行者田塍龍鬚歸可辨今無耕者說者曰

蓋山神云故至今山雖高深樵蘇弋獵之人不聞
罹蟲蛇之毒山中人言山有一虎亦未嘗傷人深
蹊土中但時有行跡人謂之遊山虎或為遊山之客
道此事恐涉譏嫌亦謂之巡山虎也由峰頂五里
至大林今名寶林寺梁天監二年刺史蕭綱細所造
中廢唐初復興故有虞世南撰復寺記古有平
雲庵遠法師果園廢寺基辟蛇行者葬牛塚塚
皆在絕頂而又平廣近來不知其極昔謝靈運
登絕頂望諸嶠詩云積峽忽復降平塗俄已

閉塞山隴有合當往來無蹤轍晝夜蔽日月冬夏

共霜雪正此處也又白樂天大林寺詩云人間四月芳

菲盡轉入此中來且序其詩云余與河南元集虛

范陽張允中南陽張深之廣平宋郁安定梁必

范陽張持東林寺沙門法演智滿士堅利辨道

深道達神照雲阜寂然息慧凡十有七人如自遺愛

草堂歷東西二林捨化成憩峯頂登香爐峯宿

大林寺大林窮遠人跡罕到環寺多清流蒼石短

松瘦竹寺中唯板屋木器其僧皆海內東人山

高地深時節絕晚于時孟夏如正二月天梨桃始
華澗草猶短人物風候與平地聚落不同初到恍
然若別造一世界者既而周覽屋壁見蕭郎中存魏
李神闕勃三人姓名文句余與集虛輩嘆曰此
地實正廬間第一境由驛路至山門曾無半日
程自蕭魏李今垂二百年寂而無繼者差半名
利之誘人也韓退之題西林寺故蕭郎中舊堂詩
云郎有女能傳業伯道無見可保家偶到匡山曾
住處幾行衰渡淚落煙霞注云公有女焉尼在江

州今好事者榜其詩於西林韓集中無蕭郎中
名或疑是蕭穎士非也穎士因蹟不達正所謂蕭郎
中存也凡峯頂大林之景白公道之備矣予嘗
九月遊二林秋暑未可以却扇明日至大林流泉
成凝冰矣又嘗三月遊焉桃李飄零牡丹微開與
公所見者略同矣由寶林一里至擲筆峯其峯下
臨大壑群峯截臬不可名狀昔遠公製涅槃
經疏于此疏成故以名其峯其間一峯名文殊臺
即昔藏文殊像遂亡之此間矣由擲筆峯一里至

佛手岫以石爲屋可容百衆亭有流泉因石爲渠
函上巨石偃若指掌故名佛手南唐元宗時有僧
行因住此岫三十年制衣華嚴別論十卷詔命不赴
由佛手岫三里至天池院一名羅漢池池在山頂大旱不
爲之竭張景詩曰若以山形此人骨此池應合是泥
垣人以爲的句也其西有羅漢把針岫四祖坐禪石
文殊亭世傳代州五臺山文殊所居人之至者往往
見兜羅綿雲五色圓光中或有菩薩及師子
諸相此山傳有文殊之像舊矣近歲自皇祐治

平已來人之所觀不減五臺人之記其所見於
此亭者多矣院南下山一里有隆禪師塔名
智隆金州人南唐保大中追謚證真禪師圓
智之塔一名望仙臺又名定心石凡此者皆可以下
視空闊萬里新羅岳在其下二里靈品山石之間
可底風雨亦有絳泉可給烹濯昔海東僧居焉
故謂新羅岳其東二里有十八賢臺乎廣可坐
十餘人十八賢謂自慧遠法師已下十八人者由天
池直下山十五里同名錦繡谷舊錄云谷中奇花

異卉不可殫述三四月間紅紫遍地如被錦繡
故以為名今山間繭房小檻往往種瑞香太平
觀東林寺為盛其花紫而香烈非群芳之比
始野生深林草莽中山人聞其香尋而得之栽
培數年則大茂今移賀幾遍天下蓋出此山
之谷之水其源出于谷中曰錦繡源水傍有雙
龍庵次廣福庵次尊勝庵次寶寧庵寶
寧之西前有石門其源出于石門間東與錦
繡谷之水合西流五十里入滄水由雙龍至寶寧

四庵相望皆不百步，因在兩澗之間，靈運望石
門詩曰：「高峰隔半天，長崖斷千里，雞鳴青澗中，
猿嘯白雲裏。」遠公記之。西有石門，其前似雙闕，
壁立千餘仞，而瀑布流焉。又山記云：始入林，渡雙闕，
謂則踐其基，登涉十餘里，乃出林表，回步許，便
得重嶠，東望香鑪，秀絕衆流，北眺九江，目流神
覽，過此轉覺道隘，而合力進復數百步，乃造
頽嶺，積石連阜，霜暎林相乘，然後攀弱條，涉峭
徑，足怠體疲，僅達孤松，其下有盤石，可坐十人。松

林尚有十四五里既至乃傍林際憩龜嶺視四嶺之
內猶觀掌正与未至松林又有石懸溜其下脩然
使人目眩斯瀑布之源三流之始其上有雙石臨虛
若將墜而未落傍有盤屋紆回壁立千仞翠竹林
被崖萬籟齊歛音在岫若其量故也已上率
述石門之勝今自保寧而南有聞靖尋所似境窮遠
深其量故也已上並述石門之勝今自保寧廣沁瀾
東行過小山俗名新婦嶺三里而近有南北二石柱
峯鐵瓶峯懸瀑注其前為龍潭天將雨雲物未

有不出焉望其上正十八賢臺也石柱峯下有庵
基近歲為澗水所壞無居者蓋昔賢所遊取道於
此以登純頂今人過石柱峯無至者矣由保寧庵
五里至福海庵由袖海二里至祥雲庵祥雲晉田冕
書堂今地名書堂源前有香象岡北名阿那衝內
有阿那寺基舊傳山間人時聞鐘梵之聲寺隱
不見其處亭半里有羅漢窟遠公山記云有六丈
見人着沙門服凌虛直上回身踞鞍良久興雲
氣俱滅此則得道者亦所謂阿羅寺之類也山深地

靈聖賢所宅不為過矣祥雲之上十里上

峯頂有庵同名雲頂亦廬山之一峯特也

也由祥雲八里至月輪庵月輪之旁有靈

靈泉七里至報國庵由報國一里東南出官

甘泉驛又五里至崇勝禪院舊觀音音圓通道場始

南唐乾德六年置命東吳僧緣德居之賜号道

濟禪師卒葬于圓通之東峯今号廣福院去

圓通二里以圓通之壯觀甲於山北不減山南之歸

宗而土田上腴歲入倍之石渠流水二百五十餘丈

水源有清音亭。然是寺也。獨無古今一人題詩。
碑刻凡軋德中所賜錄德平詔。四道宋齊丘書簡。
八幅。晉王景遂書百勝軍傳。度使王崇文書。及
道濟所表三事。初並藏于廬。福廬福以上皆隸
江州云。

廬山記卷第一

一校了於字莫改本品方本也

